


東蒙古紀程

917.2

地852

917.2

部=



自敘

自鄒衍有海外九州之說論者多譏其誕蓋閉關時代
民智未開同處方域之中恒老死不相往來故當時紀
遊之書概不多見間有之又類如鄒衍之說純以理想
推測不足取信前清中葉海禁大開歐亞之使冠蓋相
望於道舉凡絕域異國政治輿圖率皆隨輶記載編為
成書於是海內之士不出戶庭遂得曉然於環球大勢
矣雖然要亦交通便利使然耳若夫內外蒙古雖僻在
北邊較諸歐西固為內地特以交通不便清初又懸厲
禁不許人民私自出關故文人學士罕有至者以致山
川之險要風俗之良窳每傳聞異詞不得真相日俄戰
後塞上風雲相逼而來清廷始稍稍注意而改建行省
之議以起光緒三十二年春三月特命管理理藩部和
碩肅親王前往調查是時余適以裁缺兵馬司正指揮
改官同知暫留京師遂奉檄調辦文案隨節出關周歷
內蒙古東四盟所會者五十餘旗為時凡三閱月首途
之際頗思有所紀述餉吾同人惟是塞外旅行之苦有
非意料所及者馳驅於飛沙烈日之中恒終日不得一

飽晚宿羶幕辦公之餘復伏地篝燈而作日記故往往精神不屬閱畧不詳回京之後從未敢出以示人藏諸行篋忽忽已數年矣民國肇興逆佛獨立蒙古之一舉一動益為列強視線之所集政府應付之方愈難而整頓維持亦愈不容緩二三友人乃勸余刊刻前編以為識途之馬二年冬余適奉檄權篆青城地小易治數月之後令行政簡聽訟多暇爰出舊稿重加編次而付印焉非不知言之無文行而不遠要亦愚者一得之意云爾時中華民國三年夏六月子元氏自敘於青城縣公

東蒙古紀程

濰縣陳祖璿子元甫著



三月十八日晴大風

午初由爛漫胡同厲東裝訖赴內城船板胡同肅王府稟辭奉諭赴東直門外明月店會齊諸同事先行晚五鐘行三十里宿孫河

十九日晴暖

早六鐘由孫河行五十里十一鐘到牛蘭山午尖午後復行五十里晚七鐘宿密雲縣南關

二十日晴暖

一

早五鐘由密雲行六十里十一鐘到石匣午尖石匣為密雲縣丞分駐地有一磚城頗完好午後一鐘復行四十里至古北口宿焉

出石匣北行二三里許即入山口峯巒雜沓幾疑無路狹隘處多有斧鑿痕蓋當年蹕路所經也中以南天門為最險兩山之間鑿石通道就隘為闕上刻南天門三字山勢陡峻路僅容軌皆下車步行而過過此復經數重山方至古北口依山為城中通孔道形勢天然左右

諸山險要處皆有礮台今已漸圯蓋前明所築以資防禦者也沿山一帶草木甚少然間有一二柳杏等樹頗為暢茂可知並非其土性不宜若善於經理則森林之利必有可觀民風簡陋提倡無人棄等石田殊為可惜二十一日晴暖

早五鐘半由古北口行五十里十鐘半到三間房午尖午後復行三十里晚四鐘宿常山峪

自石匣入山後諸山皆作連環形雖日經數重然皆由山口出入故除南天門外其餘尚不甚崎嶇自三間房

二

至常山峪則山勢漸狹車行澗谷中懸崖絕壁幾於無路可通其間復有二梁曰青石梁曰黃土梁壁立千仞鑿石通道車馬須越山脊而過其險峻處較諸南天門有過之無不及抵常山峪為時尚早因往謁行宮宮在村之東依山而築蒼松夾道古栢參天景物甚佳山半有一圍場樹木叢雜山頂有亭翼然登亭一望四面羣山如朝如拱亭之西疊石為峯刻高宗御製五絕一首云清吟步修阪衣袂泛秋涼金風颯然過微聞山楓香惜關外天寒草木尚未著花若尚四五月間必更有可

觀惟宮院寥落已甚殊令人生故宫禾黍之感耳
二十二日早陰午後微雨

早七鐘由常山峪行四十里十一鐘到王家營午夫午
後二鐘復冒雨行三十里宿灤平縣

灤平為承德府附郭縣距熱河四十里四面皆山並無
城郭居民數百家半屬旗丁素號瘠苦

二十三日早晴午後大雨一時許

早七鐘由灤平行四十里十一鐘抵熱河在此須小住
數日俟肅邸到後再議前進也

三

出灤平約行三十里經一嶺嶺顛石刻硃書廣仁嶺三
字康熙御筆也鑿石通軌初上頗平坦石壁鐫承德府
交界五字其側復有新鐫五字奇古似勾樓碑不可識
詢之土人云正月間有喇嘛過此所鐫者蓋喇嘛經文
也由嶺顛三折而下大有一落千丈之勢奇峯插天絕
塵無地松杉掩映蒼翠欲滴絕妙一幅畫圖山坳有一
廟旁有御碑亭一座碑鐫高宗御製七律詩一首山麓
復有一廟背山臨澗駕木為橋額鐫平安橋三字過此
數里即熱河矣熱河無城郭市面依山而築約長數里

百貨畧備官有都統兵備道承德府府經歷各一員列署而居行宮在山上即避暑山莊聞景物絕好擬俟肅邸到後往遊焉

二十四日晴暖

是日駐熱河

熱河有中學堂一所學生有五六十人巡警局二所交涉局一所附設道署內他如習藝所武備學堂無不具備然皆徒有其名無可紀載候補人員甚清苦蓋局面太小差缺無多也東南有一旗營內有旗兵千餘名歸都統管轄行宮則係內務府園丁看守云。

四

二十五日晴暖

午後一鐘肅邸抵熱河道府以下等官均迎至廣仁嶺廷用賓都護暨馬景山宮保在街西聖安棚恭迓如儀馬宮保衣冠甚偉雖年近七旬而精神尚矍鑠也

二十六日晴暖

午刻隨肅邸謁行宮馬宮保亦陪往宮門在山麓南向東西北三面皆山宮牆依山而築周圍約二三十里初進為朝房再進為正殿地方官領由東偏而入峯巒四

疊一水回環麋鹿成羣蒼松夾道約行二里許遂登舟
先往靜寄山房中藏法帖甚夥有三希堂一帖絕佳惜
未暇徧覽由此復乘舟東北行有亭榭依山臨水而築
額曰金山迴廊四繞盤旋而上有聖祖題額曰鏡水雲
岑再上曰芳洲亭絕頂一閣凡三層東望諸山有峯矗
立上寬下銳曰罄極峯以其形似也亭外有石筍三望
之若苦木名曰木變石上俱刻御製詩由金山東下沿山
傍水而南凡經亭榭三所架木為橋流水環繞約二里
許至一處曰卷阿勝境即東徧殿後門也後殿正額曰

五

五福五代堂再進曰勤政殿均設寶座玻璃為屏花鳥
如生內藏雕漆盒及書帖甚多東西壁均懸御製詩北
壁懸大晏蒙古王公圖一幅衣冠萬國凜凜有生氣再
進曰福壽園三面皆樓南樓曰清音閣凡三層即演劇
臺也由東南隅而出有偏院一所精舍三楹在此暫息
並進茶點因為時已晚遂由此而歸所遊尚不及十分
之三云

二十七日陰微涼

午刻復往遊行宮仍由東路進循石路北行東面臨水

西面依山松柏夾道以萬計行里許經院落一所迴廊
四繞過而未入隔水東望有亭曰芳渚臨流稍北有一
小山上樓曰烟雨樓再北為船隄循山脚石路西北
行轉入山阿有石橋通焉額曰恒河普渡由此登山有
一寺曰珠源寺進門稍上有平臺額曰定慧再上曰天
王殿再上為銅殿額曰海藏持輪純以銅鑄內有銅佛
銅塔玲瓏精巧不可名狀再上曰極樂世界半已坍塌
最後有樓環抱曰眾香樓內有景泰藍銅塔一座工絕
倫並藏金剛經一卷由珠源寺旁門穿出山半有關帝

廟三楹與罄榘峯遙對循山腰石路而下行於兩山之
間約里許至文津閣院內疊石為假山山下為池穿山
洞曲折而入方至閣前閣為藏書之所門外列銅馬銅
餅各二甚精古出閣西行復循石路入兩山之間漸行
而上約三四里登一小亭暫憩松風謖謖衣袂生涼由
亭復拾級盤旋而上約二里許有廟曰廣元宮凡三進
中藏磁器頗夥由此再上半里餘復有一亭乃羣山絕
頂因為時已晚且有雨意未及登臨遂下山循石路出
西便門而歸

歸途循宮牆而行經喇嘛廟數處遙望景物甚佳即所稱外八處也惜天晚未能往遊

二十八日微陰

是日肅邸往遊喇嘛廟余因事未從晚堂派余同臺佐周世禎李芷香經濤等六人明日先行並派吳受卿祿貞陶欣皆仁榮分路調查約會於喀喇沁

二十九日陰午後寒甚可御重裘

午刻由寓東裝畢赴行較稟辭晚五鐘行五十里宿高寺台

七

出熱河後山勢漸低路亦漸平惟河流甚多一日約度數次皆山水也濱河多沙石不生水草鄉民間有開池種稻者出米頗好若能疏通水道墾去浮沙未始不可變為沃壤也

三十日早晴冷午後微暖

早六鐘由高寺台行三十五里九鐘半至崗子午尖十一鐘復行五十五里晚四鐘抵七家子宿喀喇沁王莊院

距七家子十餘里地名楊樹林有土法開採銀礦一所

聞礦東係張燕謀局面頗小每年約出銀二萬兩云
四月初一日晴微冷

早七鐘由七家子行二十里九鐘半至大廟午尖十一
鐘半復行四十里宿駱駝山

由大廟北行山勢復峻山路漸狹車行於兩山之間二
十餘里至毛金壩奇峯插天絕壑無地由山麓盤道螺
旋而上至山頂約十餘里越壩而下即駱駝山回思青
石廣仁諸嶺兒孫矣山上草木頗夥惟邊外氣候偏寒
至今尚少生意也

八

初二日早微雨午後大風

早七鐘由駱駝山行二十五里九鐘半至新店午尖十
一鐘復行六十五里晚五鐘至喀喇沁厲王府內西花

園

名亦
園

過毛金壩後山勢復開道路平坦村民皆墾山為田收
成甚薄多種甜蕎苦蕎間有種油麥者甜蕎油麥供人
食苦蕎用以飼畜貧苦之家亦有食之者近喀喇沁則
地勢開展漸肥沃可種雜糧矣然天氣偏寒亦只能種
一季也毛金壩前後多產榛樹土人伐之以供柴薪其

予可食如栗然近喀喇沁則多榆樹老幹虬枝皆數十年物也王府依山麓而築甚闊殿府門南向

初三日陰寒晚微雨

午刻會齊諸同事進謁喀喇沁王談頗久王名貢桑諾爾布係肅邸妹婿年甫三十餘和藹近人謙恭下士絕無驕貴氣且學識明通留心新政因蒙古之弱病在愚陋故以開通民智為當務之急沿途張貼北京官話等報若干種且創立武備學堂高等小學女子小學各一所誠蒙古王公之翹楚也

九

出熱河後沿路所經諸山多有放野燒者詢其何意蓋將樹木燒枯以供薪炭也則牛山無怪濯濯矣種植學之不講遂至於此可為浩歎且沿山杏花盛開悉付一炬如此殺風景事實所罕見也

初四日晴風頗冷

晚四鐘接探報肅邸已到距此八里之上安房暫駐節武備學堂貢邸往迎晤商一切定於明午一鐘來喀喇沁

初五日晴風

午前十鐘乘馬赴上安房武備學堂十二鐘隨肅邸由學堂啟節武備生暨北洋熱河護送之馬隊均整列鳴鼓前導抵喀喇沁西郊貢邸率本旗副盟長以下在聖安棚恭迓如儀貢邸福晉率府中女學生並日本女教員在正殿後迎接諸隨員同謁福晉於院中而退

初六日晴暖

有科爾沁旗喇嘛呼畢勒甘呈請報效積存香資銀六千兩以三千兩充練兵處經費以三千兩充喀喇沁學款懇為代奏賜予廟名雖係有所希冀然亦喇嘛中之

開通者也

初七日晴暖

貢邸訂於明午一鐘在府中設筵招待肅邸暨諸隨員晚肅邸在文案處編國文答詞緣明午席間貢邸有蒙文祝詞也

初八日晴暖

午後一鐘同赴貢邸之台筵設正殿肅邸居中南面高坐貢邸西面陪坐東西各列三席余等依次而坐該旗協理至肅邸前跪獻爵其餘執事諸官至東西各席分

獻畢協理率之跪讀蒙文祝詞肅邸以國語答之復令蒙文繙譯汪祥齋譯為蒙文朗誦一通諸執事者均賜以酒叩謝而退伶人持樂器上有如內地之提琴簫管琵琶三絃然形雖相似而用法則迥乎不同人各一器共約二十人上殿叩首席地而歌音節悲壯與西洋軍樂相彷彿樂既闋簫鼓之聲作於堂下執事者復依次獻酒畢然後看躡躑之戲東西墀各列十餘人鼓聲作則各出一人至堂前相撲互有勝負最後勝者有賞宴畢拍照一影而散

初九日晴暖

午前十一鐘隨肅邸貢邸至府後參觀女學堂福晉暨日本女教員漢文女教員皆在焉堂內女生約三十人大者十六七歲小者十一二歲均服藍布長衫絨靴甚齊整時方分班授東文蒙文課授畢洋教員率之至講堂分三層而立教員鼓風琴諸女生倚聲而唱日本之歌既闋福晉親操琴諸生復歌蒙文之曲旋復令學生二人以次援琴而歌琴韻歌聲抑揚中節歌畢搖鈴洋教員復援琴作軍樂聲諸生乃魚貫旋繞各歸本位進

退歌唱法律井然殊為可喜堂隅案上排列諸女生所作書畫手工等件頗精巧噫以蒙古荒陋之區而能若是誰謂教育不可普及耶聞喀喇沁男學堂歸貢郎經理女學堂係福晉督辦蓋已煞費苦心矣

初十日晴暖

午後隨肅邸在揖讓亭校射晚奉堂諭明午二鐘衣冠齊集府內正殿預備會盟

十一日早晴暖午後微雨

午後二鐘衣冠集正殿伺候會盟來會者係卓索圖盟

十三

共五旗盟長郡王銜貝勒色凌那木濟勒旺保副盟長輔國公僧格扎布喀喇沁扎薩克輔國公銜頭等塔布囊漢羅扎布喀喇沁左翼扎薩克貝勒希凌阿土默特貝子旗護印協理台吉棍薩那希理外尚有貝子銜輔國公林沁多爾濟錫勒圖庫倫扎薩克喇嘛扎木揚丹森並喀喇沁王貢桑諾爾布齊集殿內肅立以俟殿中設香案肅邸立案旁西向盟長率副盟長以下先跪請聖安然後與肅邸相見禮畢肅邸南面立宣布朝廷德意並此行宗旨令蒙文繙譯汪祥齋以蒙文譯之朗誦

一通然後各賜以荷囊烟壺尺頭布疋等物從人亦各有賞諸王公等均叩首謝恩宴會而散

十二日晴暖

是日喀喇沁守正式備學堂崇正小學堂毓正女學堂共開歡迎會於府門外設運動場午後一鐘三堂學生先集於府內後殿月台上排班開會女學生西面立小學生東面立武備學生北面立余等隨肅邸俱南面立於檐下喀喇沁王並福晉暨會盟諸王公貝勒皆在馬檐前設一几餅內供桃花數枝肅邸立於几右須臾女

十三

學生先進向上行三鞠躬禮公推二生為代表以蒙漢文互譯恭讀祝詞讀畢鞠躬退歸本位小學生武備學生以次繼進三堂演說以小學生為最優女學生次之學生演畢肅邸各加勉勵遂散會而往運動場場以松柏為門圍之以繩廣約數十畝內支帳棚數座以備休息諸生皆整隊迎於門外觀者如堵入場後先是日本女教員鼓琴女生全體唱日本歌次為小學生記憶蒙文競爭又次為女生分列行進運動又為武備生綱引競爭又為女生心算競爭又為小學生蒙文文法競爭

又為武備生銃槍術又為女生菊花行進運動又為小學生飛繩競爭又為女生唱蒙古歌又為小學生徒步競爭又為武備生早驅競爭又為女生冰滑舞又為武備生跳越又為女生蹴球又為小學生偶本競爭又為女生連環運動末為小學生逐環競爭最後為來賓競走運動畢少息飲酒散會諸生仍整列送諸場門之外已將日落啣山矣

十三日晴暖

午後二鐘隨肅邸往上安房參觀守正式武備學堂先蒞講堂教員各問以兵法諸生均對答無誤次看體操一切盤槓躍高刺槍等技皆能如法內場觀畢復同至外場看操分合成列步伐整齊行軍操亦攻守有法收隊後肅邸復命北洋隨護之馬隊一操以作模範操畢各加訓勉至堂內小坐而歸

十四日晴微涼

午後堂派趙孝陸姚文敷諸君將近日所收呈詞在府門內西偏院提訊原告錄取口供呈候核奪內有呈詞十紙皆係控告平泉州民張連陞串通差役藉案詐財